

praemissae, et agatur conversio necessaria ut relinquatur in modo primae figurae.

4^a. Si neque hoc fieri potest, omittatur conversio, ex eo quod sit magis onerosa quam utilis.

EXEMPLA PRACTICA.

Ad reducendum *Cesare* attendam, ex regula prima, ad conclusionem, video esse universalem negativam, et quaero in prima figura modum qui habeat conclusionem negativam, qui est *Celarent*. Deinde attendo ad differentiam ex regula secunda, et video hanc esse in majori, quia *Cesare* est secundae figurae. Tandem, ex regula tertia video si praemissa in qua est differentia, conversa simpliciter vel per accidens, dat modum primae figurae et invenio eum dari simpliciter convertendo: v. g.

Nullus homo est arbor:	Ce-
Sed omne insensibile est arbor,	sa-
Ergo nullum insensibile est homo.	re.

Ex modo dicto convertitur ad

Nulla arbor est homo:	Ce-
Sed omne insensibile est arbor;	la-
Ergo nullum insensibile est homo.	rent.

Ad servandam regulam quartam, syllogizabo modum *Camestres*, observando regulas anteriores; sed ex regula quarta converti debet conclusio, inverti praemissae, et fieri conversio necessaria, v. g. omnis homo est animal; sed nullus lapis est animal: Ergo nullus lapis est homo. Convertito conclusionem simpliciter, et resultat: Nullus homo est lapis; invertito praemissas et habeo: Nullus lapis est animal; Sed omnis homo est animal. Convertito simpliciter majorem et habeo: Nullum animal est lapis. Quod sic videtur clarius.

Omnis homo est animal:	Ca-
Sed nullus lapis est animal;	mes-
Ergo nullus lapis est homo.	tres.
	<i>ad</i>
Nullum animal est lapis:	Ce-
Sed omnis homo est animal;	la-
Ergo nullus homo est lapis.	rent.

Tandem modi qui e secunda figura ad primam rudecuntur, ex tribus primis regulis, sunt *Cesare* ac *Festino*; e tertia figura ad primam, exiisdem regulis, sunt *Darapti*, *Felapton*, *Datisi*, *Ferison*. Sed qui reducuntur ex regula quarta sunt. e secunda figura *Camestres*, e tertia *Disa-*

mis, e quarta *Baralipton*, *Canentes*, *Dimitis*, *Fepasmo*, *Fresisomorum*, excepto quod in *Baralipton*, propositio quae minor facta est in prima figura fit particularis. et in *Fepasmo* non invertantur praemissae, sed major convertatur simpliciter, et minor per accidens; et in *Fresisomorum* utraque praemissa convertatur simpliciter, relicta ut antea conclusione.

PROBANTUR REGULAE

SPECIALES FIGURARUM SYLLO-

GISMI.

Regula primae figurae, "Sit minor affirmans, major vero generalis." Probatur quoad primam partem, scilicet, sit minor affirmans. Si minor non est affirmativa est negativa, si minor est negativa conclusio etiam est negativa, ex regula octava Aristotelis, «Pejorem sequitur etc.», si conclusio est negativa ejus praedicatum est universale, quia praedicatum propositionis negativae, vi negationis est universale; si praedicatum conclusionis est universale, praedicatum majoris debet esse universale, quoniam praedicatum conclusionis in prima figura etiam est praedicatum majoris,

posito quod una e praestantiis hujus figurae est quod termini descendat identici ad conclusionem; si praedicatum majoris est universale eadem est negativa, quia praedicatum universale est propositionis negativae; si major est negativa, tunc ex supposito ambae praemissae sunt negativae; si ambae sunt negativae, nihil sequeretur ex regula Aristotelis «Utraque si praemissa neget etc.» Ergo sit minor affirmans. Probatur quoad secundam partem, id est, major vero generalis. Si minor est affirmativa, ejus praedicatum est particulare, quia praedicatum propositionis affirmativae, vi affirmationis est particulare, si praedicatum minoris est particulare; subjectum majoris debet esse universale ex regula Aristotelis, «Aut semel, aut iterum etc.»; si subjectum majoris est universale, etiam illa est universalis, quia propositio cujus subjectum est universale, etiam illa est universalis. Ergo major vero generalis: aliunde, sit minor etc. Ergo etc.

REGULA SECUNDAE FIGURAE, "UNA NEGANS

ESTO NEC MAJOR SIT SPECIALIS."

Probatur quoad primam partem, scilicet, una negans esto. Si medius terminus

est praedicatum utriusque praemissae, saltem debet esse semel universalis, ex regula tertia Aristotelis "Aut semel, aut iterum etc." Si semel universalis, propositio de qua praedicatur est negativa, quia praedicatum universale est propositionis negativae. Ergo una negans esto.

Probatur quoad secundam partem, scilicet, nec major sit specialis. Si una praemissarum est negativa, conclusio etiam est negativa, ex regula octava Aristotelis, "Pejorem sequitur etc." Si conclusio est negativa, ejus praedicatum est universale; quia praedicatum propositionis negativae, vi negationis, est universale; si praedicatum conclusionis est universale, subjectum majoris debet esse universale, quoniam in hac figura majus extremum est subjectum majoris, ac etiam per regulam secundam Aristotelis «Latius hunc etc.»; si subjectum majoris est universale illa etiam est universalis, quia propositio cujus subjectum est universale etiam illa est universalis. Ergo nec major sit specialis: aliunde una negans esto. Ergo.

REGULA TERTIAE FIGURAE, "SIT MINOR

AFFIRMANS, CONCLUSIO PARTICULARIS."

Prima pars scilicet, sit minor affirmans,

probatur, sicuti probata fuit prima pars regulae primae figurae. Probatur quoad secundam partem, id est, conclusio particularis. Si minor est affirmativa, ejus praedicatum est particulare, quia praedicatum propositionis affirmativae, vi affirmationis est particulare. Si praedicatum minoris est particulare, subjectum conclusionis etiam est particulare, ex eo quod in hac figura minus extremum est praedicatum minoris et subjectum conclusionis, atque etiam per regulam secundam Aristotelis "Latius hunc etc."; si subjectum conclusionis est particulare illa etiam est particularis, quoniam propositio cujus subjectum est particulare eadem est particularis. Ergo conclusio particularis: aliunde sit minor affirmans. Ergo.

REGULAE QUARTAE

FIGURAE, "SI MAJOR SIT AFFIRMANS, MINOR EST UNIVERSALIS; SI MINOR SIT AFFIRMANS, CONCLUSIO EST PARTICULARIS; DENIQUE SI CONCLUSIO NEGANS, MAJOR DEBET ESSE UNIVERSALIS."

Probatur quoad primam partem, scilicet, si major sit affirmans, minor est universalis. Si major est affirmativa, ejus praedicatum est particulare; quoniam praedicatum

propositionis affirmativae, vi affirmationis est particulare; si praedicatum majoris est particulare, medius terminus est particularis, ex eo quod in hac figura medius terminus est subjectum minoris, et praedicatum majoris; si medius terminus in majori est particularis, in minori debet esse universalis ex regula tertia Aristotelis "Aut semel, aut iterum etc.;" si medius terminus in minori est universalis, etiam illa est universalis, quia propositio cujus subjectum est universale, eadem est universalis. Ergo si major sit affirmans, minor est universalis. Probatur quoad secundam partem, scilicet, si minor sit affirmans, conclusio particularis. Si minor est affirmativa ejus praedicatum est particulare, quia praedicatum propositionis affirmativae, vi affirmationis, est particulare, si praedicatum minoris est particulare, subjectum conclusionis etiam est particulare, quoniam in hac figura minus extremum est praedicatum minoris, et subjectum conclusionis; si subjectum conclusionis est particulare etiam illa est particularis, quia propositio cujus subjectum est particulare, eadem est particularis. Ergo si minor sit affirmans, conclusio particularis. Probatur quoad tertiam partem, id est, si conclusio negans, major debet esse universalis. Si conclusio est negativa, ejus praedicatum est universale, quia praedicatum propositionis negativae, vi negationis, est universale; si praedicatum conclusionis est universale,

subjectum majoris est universale, quoniam in hac figura majus extremum est praedicatum conclusionis, et subjectum majoris; si subjectum majoris est universale etiam illa est universalis, ex eo quod propositio, cujus subjectum est universale illa sit universalis. Ergo si conclusio negans, major debet esse universalis: aliunde etc. etc. Ergo.

REGULAE AD MEDIUM SYLLOGIZANDI IN

VENIENDUM,

1^a. Universalis affirmativa non syllogizatur nisi in primo modo primae figurae *Barbara*.

Ergo ad eam syllogizandam sumatur quod sequitur subjectum, et antecedit praedicatum.

2^a. Universalis negativa syllogizatur in quattuor modis, scilicet in *Celarent* primae figurae, in *Cesare* et *Camestres* secundae, et in *Canentes* quartae. Ergo ad syllogizandam eam in *Celarent* primae figurae et *Cesare* secundae, sumatur quod sequitur subjectum et repugnat praedicato. Sed ad eam syllogizandam in *Camestres* secundae, et *Canentes* quartae, sumatur quod repugnat subjecto et sequitur praedicatum.

3^a. Particularis affirmativa non syllogizatur nisi in tribus figuris, et sex modis, id est in *Darii* primae figurae, in *Darapti*, *Di-*

samis et *Datisi* tertiae, atque in *Baralipton* et *Dimatis* quartae, Ergo ad eam syllogizandam in *Darii* primae figurae, sumatur quod sequitur subjectum et antecedit praedicatum. Sed ad eam syllogizandam, in modis *Darapti*, *Disamis* et *Datisi* tertiae figurae, sumatur quod antecedit subjectum, et antecedit praedicatum. Tandem ad eam syllogizandam in *Baralipton*, et *Dimatis* quartae, sumatur quod sequitur praedicatum, et antecedit subjectum.

4^o Particularis negativa syllogizatur in omnibus figuris, in *Ferio* primae, in *Festino* et *Baroco* secundae, in *Felapton*, *Bocardo* et *Ferison* tertiae, et in *Fepasmo* et *Fresisomorum* quartae. Ergo ad eam syllogizandam in *Ferio*, *Festino*, *Felapton*, *Ferison*, *Fepasmo*, et *Fresisomorum* sumatur quod sequitur subjectum et repugnat praedicato. Sed ad eam syllogizandam in *Baroco* et *Bocardo* sumatur quod sequitur praedicatum, et repugnat subjecto.

LAUS DEO.

CAPILLA ALFONSINA


U. A. N. L.

Esta publicación deberá ser devuelta antes de la
última fecha abajo indicada.

IFCC 636

Blank yellow area at the bottom of the left page, possibly a label or additional information area.

Large blank yellow area on the right page, possibly a label or additional information area.



QUALITAS SUPREMUM
GENUS UNUM EX
NOVEN ACCIDEN
TALIBUS PRADICAMENTIS

IN HABITUM
ET

IN INTELLECTUA
LEM ET

IN DISPOSI
TIONEM
ET

IN INFUSUM
A DEO
ET

IN ACQUISITUM
A NOVIS

SPEM
FIDEM
GRATIAM
LUMEN PROPRIUM
CUM
DONA SPIRITUS
SANCTI
CHARITATEM

LUMEN
GLORIAE
ET

SUSPICIO
NEM
ET

IN INTELLIGENTIAM
ET

IN MORALEM
ET

IN POTENTI
AM
ET

IN CORPORALEM
ET

IN SPIRITUA
TEM
ET

ALIAS
SUPERNATU
RALES VIRTU
TES

ALIAS
QUALITATES
ACILE MOBILES

IN SAPIENTIAM
ET

IN JUSTITIAM
ET

IN AGTIVAM
ET

IN OPERATIVAM
ET

IN OPERATIVAM
ET

OPINIO
NEM
ET

FIDEM HU
MANAM
ET

IN SCIENTIAM
ET

IN TEMPERANTIAM
ET

IN BUNUM
ET

IN IMPOTENTIAM
ET

IN RESISTIVAM

IN IMMANE
TEM
ET

IN NON OPERATIVAM

DIFFORMITATEM
ET

IN PRUDENTIAM
ET

IN FORTITUDINEM
ET

IN MALUM
ET

IN PASSIONEM

IN TRANSEUNTEM

IN TRANSEUNTEM

HABILITATES
VARIAS
UT

PULCHRITUDINEM
ET

IN ARTEM

IN VOLUNTATEM
ET

IN MALUM
ET

IN PATIBILEM
ET

DURUM
ET

IN VEGETATIVAM
ET

IN VEGETATIVAM
ET

LEGENDI
CONCERNENDI

IN APPETITIVAM
ET

IN SENSUM

IN VARIA
VITIA

IN FORMAM
ET

MOLLE
ET

IN GENERATIVAM
ET

IN COGNOSCITIVAM
ET

IN COGNOSCITIVAM
ET

IN INTELLECTUM
ET

IN APPETITUM SENSITIVUM

IN QUADRANGULAREM

IN FIGURAM

IN QUINQUE SENSIBILES QUALITATES
SCILICET
UT

IN COLOREM
ET

IN NUTRITIVAM

IN ACCUMULATIVAM

IN SONUM
ET

IN ODOREM
ET

IN TRIANGULAREM
ET

IN PLANAM
ET

IN SOLIDAM
ET

IN SOLIDAM
ET

IN ODOREM
ET

IN ODOREM
ET

IN CIRCULAREM
ET


IN CIRCULAREM
ET

POSSUNT

DIVIDITUR

POSSUNT

POSSUNT



00